

علوم غزته سي

العدد - ٢

الحاکم هو الله

ما بعد

حاصلی انسانند امر و حکم کبی و صغیر حقیقی اولایوب
 حسب اختلاف تبلیغ امر و حکم شدت اتصالی علا و سبله
 مجاز در امر و حکم حقیقی انجق قادر مطلق در
 تعریف اولان صورته که حکومت در اوج شی یا پا جق
 قانون و آلا قضاء و قانونه مخالفت ایدنی منع و تأدیب
 دیشیدک بونک بزم فقهده مثالی مفتی و قاضی و والی در
 یعنی بر کیمه مفتی دن مسئله نك فتوا سنی الور کتوروب
 قاضی به موجب حکم ایتدیر و او حکمی و الایه یعنی اجراء
 مامورینه کتوروب اجراء ایتدیر بونلرحین فطلده بریدن
 او ایراد اوج طریقه منقسم اقتدار لردرک بر طریق دیگرک
 وظیفه سه مداخله ایده به جکدر مثلاً والی فترا
 ویره به جکدر بالذات سلطان دخی ایکی خصم بیتده
 قضاء و حکم ایتکه شرعاً مأذون دکلدر یعنی ایتکه
 حکمی صحیح اولماز مع هذا مرجع واحد طبا تمق اوزره
 بواوج اقتدار بربرینه مربوطدر یعنی فی الاصل اجراء
 حکم حکم دخی فتوا به فتوا ایله شرع و قانونه

شرع و قانون دخی عدالت ازلیه قواعدینه باغلوذر
 و بورابطه یه مبنی درک کتب شرعیه ده ۶ الامراء حکام
 علی الناس والعلماء حکام علی الامراء والعلم حکام
 علی العلماء ۴ قاعده سی مسطوردر نته که بریقه ده
 مسطوردر هر زمان و هر مکانده بر قاعده دن ایرلیق
 تمدی حدود شرعیه عدا اولنور

اشته وحدت امامت قاعده سی بو تقریر ایتدیکنز رابط
 دن چیقار کلور بوزاکوره و لوجهوریت اولسون ینه
 وحدت امامت قاعده منه تثبث ایتدیجه مشروع دکلدر
 ینه بو تقریردن اکلا شیلورکه بر دولته متعدد مجلسلر ترتیبی
 و او مجلسلرک حقوقنک بر برندن تفریقی و بر برلرینی مداخله
 دن منعی قضایایسی وحدت امامته منافی دکلدر

بر حکومت تشخیص ایلدیلمزده آنک خدمتلی نه در . اوچ در
 (۱) داخلدن تأمین و محافظه (۲) خارجدن تأمین و محافظه
 (۳) بو محافظنلردن مقاصد اولان منافع یالکز برکیمسه یا
 بر طایفه عائد اولیه رق عامه یه و جمهور فاسه راجع اوله حق
 صورتده تنظیم اداره .

هر حکومتک خدمتلی بر اوچ شیه در نه صورت اولوریه اولسون

ایمدی بر حکومت که انک اداره سی منافع عامه به عامد در
 اویده حکومت عادلدر و فی الحقیقه جمهوریت دیمکدر
 صورت اداره اصطلاحده نه اولورسه اولسون یعنی ریاست
 واحد و بعضه و جمهوریت حاصلی تاریختک گوستره بیلدیکی
 و انانک خیال ایده چک صورتتک قنقیندن اولورسه
 اولسون اشته بومطالعیه کورم دنیا ده جمهوریتدن
 بشقه حکومت مشروعه اولاماز دینه بیورک منقبت
 عامه و جمهوره نظر اولنجه حق دیمکدر بزده امرآدیه
 مدیر امور جمهور و امثالی و صفیر فی الاصل لهپ بومطالعیه
 مبنی اطلاق اولنمشدر ظن اولنور دیمکدر که ظالم
 حکومت دیندگده منقبت عامه به نظر ایتمیان دیمکدر
 یوقه ظالم دیدیکیز ید و واحد و بعضه مخصوص بر صفت
 دکلدر و فی الحقیقه ۶ حکومت واحد یا لکزه حکمداره
 و حکومت بعض یا لکزه زکییندر و حکومت عوام یا لکزه قزاقیه
 خدمت ایدر و آنلره مخصوص و مسلم اولورسه مستفید
 اولان طرف جبارده دن اولور ۷ کذا فی ترجمه حقوق عمومی
 بر حکومتک خدماتی یا اصول و قواعد اوزرینه در یا خود
 اصول و قواعد دن مجرددر اگر مجرد ایسه

اکتسلط واستبداد دیرلرکه دسپوتیزمی دیندن
 اشته بودر بودلو استبداد یا تسلط دقهر ایله
 یا خود امام معصوم اعتقاد ایدن برجماعت ایچنده اولور
 قرآن عظیمه کوره جائز دکلدن انجیلجه دشمنی مشروع دکلدن
 زیرا بویه استبداد افراد جماعتی قول وکوله عدایلمک
 قاعده سه مبنی بر قهر در یعنی آرای جماعت تسلط
 سمته او غراما مشدر و اگر افعال حکومت اصول و قواعد
 اوزرینه اولورسه برحاله ایکی یه تقسیم اولور شیطانی که
 بودرلو حکومتده حکمدار اولان ذاتک اصول و قواعد موجوده دن
 ضایع فعله یعنی تعدیسه یا مانع یوقدر یا خود واردر
 مانع اولماق تصویری اصول و قواعدک محق اولما دینق تصور
 دیمکدر زیرا او یله بر اصول محقه تصور اولنه مازک سلطانی
 قرالری معاف و ازاده طومش اولسون بنا برین حکم ایدرکه
 هر تنفی حکومتده که اصول و قواعد شحقه واردر او یله حکومتده
 تعدی یه مانع واردر ایمدی بو مانع نه در ایکی دن
 خالی دکلدن یا معنوی در یا خود مادی مانع معنوی
 حند الله یعنی عند الانصاف مسؤلیتدر مانع مادی
 عند الناس دشمنی مادة مسؤلیتدر هر ایکی حالده

دخی بودولو حکومت عدم تقدی ایله مشروط و مقید در
 برخی مانور باقارقی یعنی حکمدارک انصافیه و عندالله مسوئیت
 نظراً دیرزک بویه حکومتده رئیس اولان ذات حقیقته حکمدار
 اولمایوب مربی و پدر منزل سنده در یعنی کندوسی کویا بابا
 و تبع دینلان خلق آنک اولادی منزل سنده در بوسیدن
 امام و امیر و پاپا اسلمیسی آلور سلطان و حکمدار و قرال
 کبی عنواندری قبول ایتمز بویه بابا لر خلفای اسلامیه
 آره سنده کچمشر و خرسیتیا نموده و دیگر ملتسوده دخی
 کلمشدر ازان جمله پاپا لردن یدنجی غوره غوری قواعد
 حسن اخلاق اوزره اجرای تربیه ایدوب تمدن و ترمذینه
 چوق ترقی ایلمشدر فرانسه قرال لردن دخی نیجه ذوات
 بر قواعد اوزره ملت و مملکتی بیوتمش و خلق رفاه ایچره
 یشامغه سائق اولمشدر بویه امر آنک حکمت
 و تقوای تعدینه مانعدر و فی الواقع اویده بر حکیم
 و متقی به تابع اولان امت قدر بختیار یوقدر پارس
 اقادمی اعضا سندن موسیو رنان دخی ال اعلای
 و محذوری آز حکومت بویه بر حکیم اداره سندن عبارت
 اولدینی یا زمشدر

لکن بوامامته امام اوله حق ذات وراثت یا انتخاب ایله
 اوله حق دکل می لهرخلف اولانک سلفی کبی حکیم و متقی
 ظهور استیسی نردن تصادف ایده جکدر برعالم شهرت
 اویده پرهیز کارری یتشدیرر طور می اشته برمطالعه
 مبنی اصول و قواعد اتباع قضیسی (حکمداره نسیله)
 یا لکزانصاف و عندالله مسولیت مانعیه تقید اولمنی
 کافی کوریده مز امیرک مظنون اولان تعدیه ماده
 قارشو قریه حق بر قوت کرکدر فقط بر قوت نه در
 شبهه یوق که جماعت سیاسیه ایچنده در یعنی هرعاقل
 و مکلف اوزرینه ظالماک یدتعدیسی طریقی فرضدر
 فقط جماعت سیاسیه ایشی کوچی بر اقوب بر فرضی ارادایله
 مشغول بولنه میه جغی درکار ظاهر اولدیغدن فرض کفایه
 دینلشدن قرآن کریمده ولکن منکما آه
 من تبعیض دخی بولنه افاده ایدر جماعتدن بر فرقه
 بولنه اجراء ایدر دیکرلردن فرض ساقطدر
 یکی بر فرقه کیمدر شبهه یوق که اصول و قواعد حکومت
 نه در ربواصول رعایت اولدیورمی اولنمایورمی و اولنمدیغی

نه درجه لرده در و بودرج ده عدم رعایه نه مرتبه ده قارشو
 قونق فرض اولور و بوفرضی ادادن تکاسل اولندیغ حالده
 جمله یه عائد اوله جق مهلمکه نه راده لرده بیوکدر و امر
 بالمعروف و نهی عن المنکر یا لکز جمله نك سلامتی نیتیه
 اولوب غرض و عوض و هوس و شهوتدن تشویله نه مرتبه
 تنزه اولمق لازمدر اشته بورالری بیلان ذوات دیکدر
 بو حالده فقهاء دیمک اولور فی الواقع اسلامده بوقوتی
 فقهاء حال ایدی سبب دخی برایدی که پادشاهلر برایش
 ایجار یچون جواز فتوا سی المغه مجبور ایدید قتل یکیچی
 و قهسی دخی فتوا ایله اجرا اولدک جمله نك معلومی در که
 برده فقهاء رسماً تصدیق اولمش بر طریق اربابی ایدی که
 او طریقک ابتداسی ملازمت و انتهایسی مشیختدر
 بعض کتابدرده کورلدیکه کوره سلطان سلیمان مرحوم شویخت
 ایتدیکن قوتی وزراء و علماء مجلسینک اتفاقاً قه توریع ایش
 اوروپا اهل سیاستدن بعضیبری دیدیلر که بوقوت
 صور حکومتدن ریاست واحد و بعض و جمهریت اصول
 و قواعدینک بربرینه مزج و خلطی اید اولمالی در

شوبه که بواجح صورتی بر برینه مزجله صورت ظاهرده بر حکومت
 و نفس الامرده بر بری ایچنده اوج حکومت یایمالی
 یعنی بر حکمدار اولمالی بوندک الیه اجرایی ویرملی و اهالی بوندک
 بالانتخاب نصب ایده جکاری وکیلر مجلسی بر حکومتک
 قار شوسنه قومیالی و شواپلی صورت پیشنده موازنه و معادللی
 حفظ ایچون اکابر و اعیان دن بر مجلس خاص تشکیل ایتلی
 اشته بویده بر صورت مخلوط و همزوجه ایله اداره اولنات
 حکومتک صلاحیتی ماده تقیید اولمنش اولور و حکومتک
 اجرائیه بواجح قوتک بر دن اتفاق لابد اولنجه استفاده
 قضیه سی مالک بر شخصه یا فرقه یه منحصر قالمایوب عامه یه
 عائد اولور دیرلر و بودرلو صورت حکومت قونستسیون
 تسمیه ایدرلر که مرکبه و همزوجه دیمکدر غورنمانت مقس
 دخی دینور . بویده خلط و مزجی تحسین ایدنلر دن
 بعضیسی اودرجه مبالغه ایلدیلر که مقید اولان حکومت
 آنجق بر صورت دن عبارت اولوب بویده اولیان مطلق در
 "نعم ایتدیلر تحسین ایتیانلر دن بعضیلری دخی پک
 علیرهنده بر لنوب افراط ایلدیلر فصل که انکثره ده بونمظرلر دن

جمعیت مخصوصه واردر افراط و تفریطدن قطع نظرله
 بوصورتك برحقو محذوری شایان مطالعه و تدقیق در
 موسیو پرادیه فودره حقوق عمومی ده یازدی که
 ۱) بواسولك (قونستتیونل) محذورله پك قاریشق
 اولیشی و امامتک وحدت و عدم انقلا می کی برقاعده
 اساسیه نی نقضه ایدیشی در بوندن بشق اراده لری
 بر درجه ده مطلق و قوی اولان و منافع مختلف لری اولدیفندن
 حکومت برینه ضد قوتل ویرسی لازم کلان مختلف اوج شخصیت
 بیننده دایما اتفاق بولمیس مشکل کورینور دیرلرکه بوسورتیه
 صورت مشروطه ده (یعنی قونستتیونل صورت مخلوط منده)
 اداره اولنان امت ایچون وحدت یوقدر گویا ایچنده
 برقاچ دولت واردرکه دایما بریرنی عحوایمکه و اغفال ایلمکه
 چالیثور بوایه هم دولتک ضعیفه سبب اولور هم
 اخلاقی بتورر حال بویه اولنجی آرسططالیسک
 دیدیلی کی قواعد حسن اخلاق اوزرینه مؤسس اولاندن
 بشق حد ذاتده بختیار دولت یوقدر الافه
 کذا فی ترجمته

تونسٹیونل بین حکومت مخلوط نك حقیقتی شور که
 آنده شکل حکومتی و حقوق اهالی بی جامع اولان قواعد اساسی
 بوزمنه نه حکمدار نه وکلاد نه ده مجلس قانون ~~بینه~~ مقتدر
 اولدیه حق اهالی نك حقوق ذاتیه سی که شخص و افکار
 و اظهار افکار و تصرف املاک و کسب و معی حریث
 و اختیار اذره بر اقامت قضایا سندن عبارتدر اشته قراغد
 اساسیه بر نری جامع و حافظ اولدیه حق

عجبا بو صورت مخلوط افلاطونک تصور ایتدیکی جمهوریت
 قیلندن شاعراته بر خیال می در یوقه دنیا نك بر طرفنده
 اجرا اولندی و ارمی در

هله فرانسه ده فی ۱۷۹۱ تشرین ثانی ۱۸۷۰ اعلان نامه سیله
 پولیتیکه جه و اقونومی جه نقطه نظر امپراطورک عین
 استقلالنه تفویض اولمشدر

بز برنجی و ایکنجی نسخه لیمزده یازیلان نبذه لردن بالاستنتاج
 دیرزکه مشروع اولان حکومت آنجن اودرکه مملکتک
 حاجات و اخلاق و درجه تمدنه مناسب بولنه ~~نمونه~~ و ~~درجه~~
 و آنده امر و مباشر مسؤل طوتیله نه نوع و نه صورتده اولور
 اولسون اشته قاعده "بوندن بشق مسئله یوقدر

قالدی کہ نظریات عمومیہ بی براقوب بالتخصیص مثلاً آمریقاہ
 یا خود انگریزہ دہ و یا مملکت عثمانیہ دہ صورت حکومت فصل
 اولیٰ لازم کلور دیورسہ اوت قاعدہ مذکورہ یہ
 نظرایدرک اوموقع مخصوصک جغرافیہ و تاریخہ حاجات
 و اخلاق و درجہ تمدنی کاملاً بالمطالعہ قابل اجرا بر شکل
 حکومتک عن اصل ترتیبہ لا یا خود اورالردہ موجود و مرتب
 اولان اشکال حکومتک مرور ازمنہ ایلہ قسفی ترتیبی نہ و حرکہ
 اصلاحہ محتاج اولدیفنہ دائر بحث ایتمک پکده مشکلی
 بر مسئلہ دکلدر اینجی موقع مخصوصک تاریخ و جغرافیہ
 و اخلاق و عاداتی لایقیدہ بیامیاندرک یا لکن نظریات عمومیہ
 بالقیاس بجثہ قارشمالری دخی اظہار جہالتدن بشقہ
 بر شئی نتیجہ ویرمز

(ما بعدی صکرہ)

لا یعنی اورالردہ اصول و قواعد اوزرہ حکومت اولماریفی فرض
 قلندیفی صورتہ